



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2768/13  
Sarajevo, 8.10.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 08.10.2013

Organizaciona jedinica	Klasifikaciona oznaka	Redni broj	Broj priloga
01-50-1-15			33/13

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 65. sjednici održanoj 8.10.2013. godine, utvrdilo je Odgovor na zastupničko pitanje koje je postavio Milorad Živković, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj:05-50-1-2768/13  
Sarajevo, 8.10.2013. godine

**Milorad Živković**, poslanik u Predstavničkom domu Parlamentarne skupštine Bosne i Hercegovine, na 53. sjednici Predstavničkog doma održanoj 19.9.20138. godine, postavio je sljedeće poslaničko pitanje:

**"Da li je neophodno/potrebno pokazivati pasoš za državljane Bosne i Hercegovine, koji ga posjeduju, pri ulazu u Bosnu i Hercegovinu, odnosno da li je moguće samo uz ličnu kartu ući u Bosnu i Hercegovinu, za državljane BiH koji je posjeduju, bez pokazivanja pasoša?"**

Na postavljeno pitanje, Vijeće ministara Bosne i Hercegovine je na 65. sjednici održanoj 8.10.2013. godine, utvrdilo sljedeći

**ODGOVOR**


Prije svega, članom 7. stav (2) Zakona o graničnoj kontroli («Službeni glasnik BiH» broj 53/09 i 54/10) izričito je stipulisano da se državna granica smije prelaziti samo na graničnim prijelazima, u vrijeme i na način koji je u skladu s namjenom graničnih prijelaza i sa ispravama propisanim za prelazak državne granice. Istovremeno, članom 4. Zakona o putnim ispravama («Službeni glasnik BiH» broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 i 39/08,60/13) se propisuje da se pod putnim ispravama za državljane BiH podrazumjevaju: pasoš, diplomatski pasoš, službeni pasoš, zajednički pasoš, putni list, pomorska, odnosno brodarska knjižica i drugi dokumenti kojima se, u skladu sa međunarodnim ugovorima, omogućava putovanje državljana BiH u inostranstvo.

Iz analize navedenog člana, preciznije dijela u kome se kaže: *... i drugi dokumenti kojima se, u skladu sa međunarodnim ugovorima, omogućava putovanje državljana BiH u inostranstvo...* može se zaključiti da Zakon ostavlja mogućnost za šire određenje putne isprave. Međutim, takvo određenje vezuje se za postojanje međunarodnog ugovora kojim se osigurava putovanja državljana BiH u inostranstvo.

Drugim riječima, ukoliko je odnosnim međunarodnim ugovorom predviđena mogućnost korištenja lične karte kao putne isprave za državljane BiH onda se ista može koristiti za prelazak državne granice na način kako je samim ugovorom stipulisano, odnosno iz navedenog se ne može direktno zaključiti da postoji pravna osnova koja na eksplicitan način sugeriše da se lična karta državljana BiH u svakom slučaju može koristiti kao putna isprava.



Broj: 05-50-1-2768/13  
Sarajevo, 18.12.2013. godine



**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 77. sjednici održanoj 18.12.2013. godine, utvrdilo je Odgovor na zastupničko pitanje koje je postavio Milorad Živković, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-2768/13  
Sarajevo, 18.12.2013. godine

**MILORAD ŽIVKOVIĆ**, poslanik u Predstavničkom domu Parlamentarne skupštine Bosne i Hercegovine, na 53. sjednici ovog Doma održanoj **19. septembra 2013. godine**, postavio je Ministarstvu sigurnosti BiH poslaničko pitanje koje glasi:

„Da li je neophodno / potrebno pokazivati pasoš za državljane BiH koji ga posjeduju, pri ulazu u BiH, odnosno da li je moguće samo uz ličnu kartu ući u BiH, za državljane BiH koji je posjeduju, bez pokazivanja pasoša?“

Na postavljeno pitanje Vijeće ministara Bosne i Hercegovine je na ~~77.~~ sjednici održanoj 18.12.2013. godine, utvrdilo sljedeći:

**ODGOVOR**

**Ministarstvo sigurnosti BiH** na postavljeno poslaničko pitanje dostavlja odgovor koji slijedi:

Članom 7. stav (2) **Zakona o graničnoj kontroli** („Službeni glasnik BiH“ broj 53/09 i 54/10) je izričito utvrđeno da se državna granica smije prelaziti samo na graničnim prelazima, u vrijeme i na način koji je u skladu sa namjenom graničnih prelaza i sa ispravama propisanim za prelazak državne granice.

Istovremeno, članom 4. **Zakona o putnim ispravama** („Službeni glasnik BiH“ broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08, 39/08 i 60/13) se propisuje da se pod putnim ispravama za državljane BiH podrazumijevaju: pasoš, diplomatski pasoš, službeni pasoš, zajednički pasoš, putni list, pomorska odnosno brodarska knjižica i drugi dokumenti kojima se, u skladu sa međunarodnim ugovorima, omogućava putovanje državljana BiH u inostranstvo.

Lična karta se može koristiti za prelazak državne granice samo ako je to izričito predviđeno međunarodnim sporazumom koji je BiH ratifikovala, te da se s tim u vezi, pravo na korištenje lične karte kao putne isprave ostvaruje na način kako je samim ugovorom regulisano. Primjer takvog sporazuma koji omogućava prelaz državne granice sa ličnom kartom je Sporazum između Vijeća ministara BiH i Vijeća ministara Srbije i Crne Gore o uslovima putovanja državljana dvije države („Službeni glasnik BiH – Međunarodni ugovori“ broj 10/04).

Navedenim Sporazumom u članu I. izričito se navodi da *„državljeni države jedne strane ugovornice mogu ulaziti na teritoriju države druge strane ugovornice sa ličnom kartom ili putnom ispravom, bez vize, na svim graničnim prelazima otvorenim za međunarodni saobraćaj i u njoj boraviti do 90 dana od dana ulaska.“*